

خزینہ اوراق

نومبر
۲

تاریخ تألیف
۱ مایس سنہ ۱۲۹۷

جمعہ ایرتسی

عمومی اعتباریہ فنونہ دائر رسالہ ادیبہ در

آیدہ درت کرہ اولہرق جمعہ ایرتسی کوتلری چقار

دولتلو سامی پاشا حضرتلرینک تقریباً بوندن اوتوز اوج
سنہ اول تر حالہده متصرف بولسدقلری صرہده عباس پاشا
مرحومہ یازدقلری عریضہدر

برقاج کون مقدم خاکای عالی خدیوانہزینہ تقدیم ایچون
کوندردیکم عریضہ عاجزانہدن وصولیلہ صورت انہای بندگانہم
محاطلعم سامی داورانہلری بیوریلہ حق ایسدہ قلمرو حکومت
آصفانہلری اولان مصردن برساعت اول قطع رشنہ تعلق
ایتمککم مراد عالیترینہ موافق اولدیغنی بیلدیگدن بوصورتلہ
دخی تحصیل رضای خدیوانہلری خدمتہده بولمنغی تشکر نعم
سابقہ مقتضاسی عدایدرک اسباب لازمہسنہ تشبہ دیوان
کاتیم رشید افندی بندہلرینی مخصوصاً کوندردم مصردن بلا
سبب انفصال ایلہ پریشانی املاک و اموالم کہ یکریمی بش
سندلک امکله خدمات مقبولہ و مرضیہده ثمریدر دفعہ محو
وہبا ایدلسی لایہ بغیر حق تلف و موجب تحصر و اسفدر
لکن بوجہان ناپایداری انقلابات طبیعہسنہ واقف و آزمایش
کرم و سردیلہ صدمات قاہرہسنی عارف اولانلر بودرلو تکنونانی
عادت جاریہ حکمنده بیلوب زرہ قدر زدهلتمز و حکم قضا

وقدره مطاوعته سرفرو برده ذلك تقدير العزيز العليم
اوله رق حادثات كونيدهن انجمن واسباب عوارض قیدینه
دوشوب فرد آفریده بی قدح وزم ایمن درگاه قاضی الحاجات
انکسار قلب ایله توجه ایتدی بی تقدیرده بیله اصلاح حالی
تضرع و نیاز ایدوب زید و عمره بددعا ایلزل محل عبرت اولوق
اوزره افندمزه قصه جک برحکایه نقل ایدیم سایه سلطنت
سنیده مقرر مأموریت عاجزاندن اولان تر حاله سنجاشک امصار
و بلدان و بعض جبال و قلواتی دور و تماشای اتانسنده تبه
دکلی علی پاشا و اوغلاری پاشا مرحوملرک برچوق برده
سرایلرینی و مواقع مشوعده تماشاکاه و مسیره لرینی خراب
و بیاب و آشیانه بوم و غراب کوروب متأثر اولدم یاننده
اصحاب عرفاندن اختیار بر ذات پاکیزه صفت بولمغله عزیزم:
علی پاشا مرحومک وقت حکومتی ادراک ایشلردن سکر بو آدمک
دنیا ده بر خیریده می اولمزدی که بویله دلسوز بر عاقبت مظهر
اولمش سؤالی ایراد ایتدی کیمده صدقات و میراتی وسعتلی
ایدیسه ده ملجأ فقرا و مساکین و مطعم ضعفا و مشکسین اولان
بیجه خاندانی سوندوردیکنه مجازاة جناب منقلم و جبار انک
دخی خانمانی بو هیئت عبرت نماید قویمقی مقتضای عدالت
آلیم سیدر بوکا تأثر ایشک جائز دکلدن قرآن کریمده عادت و نمود
و بیجه جابره کنودک حکایاتی معلومک دکلمی در دیمه سیله
منسبه اوله رق آلشی محمد علی نک اولاد و انسابی وجهه
خاندانی بودرلو آفتلردن مصون ایدوب زیر جناح دولت
علیده معمر و آبادان ایله دیدرک خلوص قلب ایله دعا ایتدم .
بوقضیه بی پیانده برکونه ریا اکلاشیلورسه خلوص درونم جناب

عالم السر والحبایه خفی دکلدر وریاکار اولدیغم معلوم
خدیوانلیدر مرادم قصه دن قصه در القصه غرض :
شفقت پدرانه شیهه شویله جه براخطاردر همان حضرت
رب العالمین خاندان بلند ایوان مصریه وبتخصیص ذات سائی
داورانلری حقنده معامله جیهه اکبره سنی ارزان پیوروب
قهر وجلال سبحانی سده گرفتار پیورمسون .

حاصلی دیک استرمکه بر مقتضای انصاف و مروت بنده زینه
مکافاة ایده جک یرده خاتمانک رضای اکسی وشرایع وقوانین
انسانی به مخالف خراب و پریشان ایدلمسندن دلگیر و محبت
خاندان مصریه دن متفر اولوب بو عرض ایتدیکی زمینلر شفقت
و مرحمتی تحریک ایله ضمناً استرحام ایدور مطالعه سی
خاطر عالیرینه کتورمسون . بنده لری کرم و سرد روزکاری
کورمش و بودرلو خرابلغک بدترینی روم عصیان هتکامنده
دخی پکروب چوق شیدن عبرت آلمش اولدیغمدن سر قدره
حواله ایله مسترح اولورم اگر اعتقاد پاکم اکلا دیغم کی
ایسه بواسعاراتمی تأمل ایدوب اقوال و افعالی تصدیق
پیورسکز شوراجنی دخی جای مطالعه درکه حق عاجزانه ده
روا کوریلان معامله شدیده معاذالله تعالی برکونه اهانت یاخود
بشقه بر قباحه مقابلنده اولیوب بین العالم مشهور و متعارف
اولان حسن خدمت و خاندان عالی خدیوانلرینه کمال صداقت
عاجزانه مد فارشودر بونک اوزرینه صداقت اصلیده خلل
کتورمیسدرک علی الدوام دعوات خیریه داورانه زنده و المدن
کلورسه خدمات ممدوحه اصفانه زنده بولسدیغم تقدیرده بو
فنا دنیا ده ابقای نیک نام ایله بکام اوله جفمدن حقیقته بوندن

بشقه بر نمره سی بولنمیان بو عالمده شوصورت عقلا و حکمة
موجب تشکر خدا و مستلزم حد و ثنا اوله رقی نفسی بد فعاله
متابعه فدا اولنور نعمت دکلدر ارتق زیاده سوزله تصدیع
ایتدیکدن بو قدر کافیدر .

اکرم بک افندی جضرتلرینک

۱

اغستوس بوجکیله قارنجه

ایش ایدوب کندینه آهنگ ایله ذوق ایلمی
یازی ییوده یکیرمشدی اغستوس بوجکی
کلدی بر دیره وقتا که زمان سرما
باشلادی قحط و غلا اولمغه دهشتفرما
نه اوروجک قوریسی وارنده بر سیوری سینک
یوق ایدی حاصلی بر حبه جک اولسون ییه جک
شدت جوعله بیچاره ازلدی بیتدی
قوشوسی موره کیدوب حالنی اعلام ایتدی
سال آتی به قدر ایلمکه سد رقی
بر ایکی حبه اودنج ایستدی چوق یالوار رقی
دیدی که: هم ده حلول ایچدن اول موسم
مع فضل اوده مک اوزره سزه سوز ویریرم
ایتماش عادت اودنج ویرمدی بر کیمسده مور
کندیسنده بو ایدی وار ایسه بر پارچه قصور
بو جهته بوجکه صورتی که: وقت کرما
ندایدی مشغله کر بیلسدک اولورمی عجا ؟